

藏園訂補

〔清〕莫友芝撰
傅增湘訂補

邵亭知見傳本書目

（三）

書目題跋叢書

中華書局

書目題跋叢書

藏園訂補

邵亭知見傳本書目

(三)

〔清〕莫友芝撰
傅增湘訂補 傅熹年整理

中華書局

藏園訂補邵亭知見傳本書目卷十二上

獨山莫友芝子偁 撰

江安傅增湘沅叔 訂補

集部一

〔補〕○漢魏六朝人、唐人集宋刊為上，亦最難得。元刊、明正德以前單行本均佳。明蘭雪堂活字本不下於宋刊本，而亦難得。宋蜀本唐六十家全集為第一佳本，如張燕公集三十卷、權文公集五十卷、王子安集二十卷、駱賓王集十卷，與世行本異。繆刻李太白集即翻蜀本，故蜀本行款與繆刊李集同。全者斷不能得，單種亦妙。宋、元人集以宋、元刊本為佳，無明刊者以舊鈔本為佳。凡唐宋元人集從永樂大典錄出者，能得舊鈔原本及舊刊本與四庫本異者，最為上品。（邵氏）整理者案：此條先祖藏園先生用朱筆錄於邵亭目集部冊首副葉，字跡、朱色與卷末壬子過錄邵氏偶抄跋記同，當是錄自邵氏書目偶抄，為其集部總評。評中誤認十一行二十字本蜀刻唐人集與十二行二十一字本蜀刻唐人集為一種，應正。

楚辭類

〔補〕**楚騷五卷** 楚屈原撰。**附錄一卷** 漢司馬遷撰。○明正德十五年熊宇刊篆文本，五行十字，白口，四周單闌。各註正字於篆文下。

○明萬曆二十九年朱燮元重刊熊氏本，行款全同。

〔補〕**楚辭二卷** 楚屈原、宋玉等撰。○明萬曆十三年汪道昆刊本，九行二十字，白口，左右雙闌。余藏。○明萬曆吳勉學刊本，九行十八字，白口，左右雙闌。○明萬曆四十八年閔齊伋刊本，九行十九字，白口，四周單闌。三色套印。題萬曆庚申烏程閔齊伋遇五校。余藏。

楚詞章句十七卷 漢王逸撰。○明正德戊寅王鏊刻，高第、黃省曾校刻。○汲古閣刻。○綠君亭刻屈子，無注。○隆慶辛未豫章王孫英蓉館重刻宋本，佳，九行十五字。○天祿書目載明坊刻本，目錄後附疑字直音補一卷。○明刻楚詞，無人，諸簿中未見其名，殆出洪興祖後。註本二卷。

〔附〕○明正德熊宇刻篆文楚騷五卷，又萬曆辛酉朱氏重刊，均註正字於下。（眉）○蔣之翹本。○馮本。（邵氏）

〔補〕○明正德十三年高第、黃省曾刊本，十行十八字，白口，左右雙闌。有正德戊寅王鏊序。○清光緒十七年三餘草堂刊湖北叢書本。

〔補〕**楚辭章句十七卷** 漢王逸撰**疑字直音補一卷** ○明隆慶五年朱用晦豫章夫容館翻宋刊本，八行十七字，白口，四周雙闌。有王世貞序，言豫章宗人用晦得宋楚辭善本，梓而見屬為序云云。目後有“隆慶辛未歲豫章夫容館宋版重雕”一行。卷十七末附疑字直音補。余藏。○明萬曆間朱燮元刊本，行款同上，唯改四周雙闌為四周單闌。

〔補〕**楚辭章句十七卷** 漢王逸撰**附錄一卷** ○明萬曆十四年刊本，

九行十八字，白口，左右雙闌。○此書又見一帙，行款版式全同，似明末刊本。

楚詞補註十七卷 宋洪興祖撰。○汲古閣毛表重刻宋本。○惜陰軒叢書本。

〔附〕○宋本，天祿後目。（邵氏）

〔補〕**楚辭章句補註十七卷** 漢王逸章句，宋洪興祖補注。○明翻宋本，九行十五字，注雙行二十字，白口，左右雙闌。宋諱缺筆。余藏，有錢犀盒藏印。盧址抱經樓有一帙。江南圖書館有一帙，已印入四部叢刊中。○明末毛氏汲古閣刊本，九行十五字，白口，左右雙闌。○清道光二十六年宏道書院刊惜陰軒叢書本，在第十五函。○清同治間金陵書局刊本，後汲古閣本出。

〔補〕**楚辭章句十七卷** 漢王逸注，明陳深批點。附錄一卷 ○明萬曆、天啟間凌毓枬刊本，八行十八字，白口，四周單闌。題“吳興凌毓枬殿卿父校”。朱墨套印本。

楚辭集註八卷辨證二卷後語六卷 宋朱子撰。○明仿宋刻本。○成化乙未何喬新刊本。○正德乙卯沈圻于休寧刻本，善。○隆慶辛未豫章芙蓉館重刻宋本。○蔣之奇山水圖屈平、朱子二像，刻于度宗咸淳三年丁卯。潭州湘陰令施南向文龍序，稱學製湘陰，汨羅隸焉，欲索楚詞集註善本，與邑賢士大夫共讀之，則未之有，乃輟俸刻梓于縣齋，盧陵羅荷時為文學掾，故亦為序。是刻欲求為善本，宜其雕槧精良也。汨羅圖中有清烈公廟及墓。攷宋史，秘書監何志同言，諸州祠廟封爵未正，如屈平廟在歸州者封清烈公，在潭州者忠潔侯之類，宜加攷定。此亦云清烈，則已經更正也。

〔附〕○黎氏景刻元至正本。（眉）○崇禎戊寅陳世綬序刻集註五卷，附陳章侯繪圖十二。（眉）○宋大字本，天祿後目。○宋十行十八字本，邵目。○明吳本、蔣本、葛本、汲古本。魏氏本。聽雨齋本。（邵

氏)

〔補〕○南宋建本，九行十八字，細黑口，左右雙闌。鑄雕精美，為宋末佳刊。存辨證二卷，後語六卷。有端平二年跋。江南圖書館藏。○元後至元二年建安傅子安刊本，十一行二十字，細黑口，左右雙闌。後語目後有“建安傅子安宅重刊至元丙子孟春印行”牌記二行。○元刊本，行款同上，存集註八卷，無牌記。海虞瞿氏藏。○明成化十一年何喬新刊本，九行十七字，註雙行同，大黑口，四周雙闌。○明正德十四年沈圻刊本，九行十七字，黑口，四周雙闌。李木齋先生收得。○明刊巾箱本，九行十七字，白口，四周單闌。○明萬曆二十五年吉府刊本，八行十七字，白口，四周雙闌。○清光緒十年黎庶昌刊古逸叢書本，余據宋同安郡齋本校辨證二卷。○此書宋章貢郡齋本、建本作“辨證”，元明刊本均作“辯證”。

〔補〕**楚辭集註八卷辨證二卷** 宋朱熹撰。○宋嘉定四年門人楊楫同安郡齋刊本，八行十九字，白口，左右雙闌，版心上記字數，下記刊工人名。存辨證二卷，後有嘉定四年楊楫跋，云與先生嗣子同朝，錄而藏之，今以屬廣文游君參校，而刊於同安郡齋。余藏。此書直齋書錄解題卷十五著錄，僅有集註與辨證，而後語單行，正與此本同，因知是此書初行之本，迨宋末始與後語並刊之。

〔補〕**楚辭集註八卷辨證二卷** 宋朱熹撰**反離騷一卷** 漢揚雄撰。○宋嘉定六年章貢郡齋刊本，七行十五字，白口，左右雙闌，版心上記字數，下記刊工人名。前有嘉定癸酉王洊序，云刊於章貢郡齋。海虞瞿氏藏，卷一至二抄配。大字，刊工頗似贛州本文選。又見反離騷宋本一卷，為明宋樓佚出之書。

〔補〕**楚辭集註八卷辨證二卷後語六卷** 宋朱熹撰**反離騷一卷** 漢揚雄撰。○明嘉靖十四年袁褰刊本，十行十八字，白口，左右雙闌。後語卷末有“嘉靖乙未汝南袁氏校刊”一行。

〔補〕**楚辭集註八卷** 宋朱熹撰。○元天曆三年陳忠甫宅刊本，十一行二十字，細黑口，左右雙闌。有“天曆庚午孟夏陳忠甫宅新刊”牌記二行。○明嘉靖十七年楊上林刊本，十行二十字，註雙行同，細黑口，四周雙闌。前嘉靖戊辰顧應祥序，本書首葉次行題“山陽楊上林校刊”。余藏。

〔補〕**楚辭集註八卷辯證二卷後語八卷** 宋朱熹撰，明蔣之翘評校。**附覽二卷總評一卷** 明蔣之翘輯。○明天啟六年蔣之翘刊本，九行二十一字，白口，四周單闌。有天啟六年黃汝亨序及自序。

〔增〕**離騷集傳一卷** 宋錢杲之撰。○黃氏士禮居有宋刻本。○汲古閣有影宋鈔本，云此書世間絕無。○阮氏依宋板影鈔進呈。杲之以為古詩有節有章，賦則有節無章，乃分離騷三百七十三句為十四節。

〔補〕○宋刊本，九行十八字，細黑口，左右雙闌，版心上記字數，下記刊工人名，有黃丕烈跋。海虞瞿氏藏，瞿氏已影印行世。○清影寫宋刊本，納蘭性德、永瑤遞藏。文友堂見。

離騷艸木疏四卷 宋吳仁傑撰。錢氏敏求記云，此書經屠本峻刪改，從曹秋岳處鈔得原本。○知不足齋本。○龍威秘書本。○宋有慶元刻本，末有慶元庚申方燦跋，又有校正姓氏三行，蓋仁傑官國子監學錄時，屬燦刻于羅田者，舊板散佚，流傳頗罕，影鈔僅存，亦為珍笈。鐵樵。○天祿書目亦有影宋鈔，謂字畫結體在歐柳間。仁傑結銜為國子學錄，惟書末結銜稱“免解進士、蘄州學正、充羅田縣學講書吳仁傑校正”，意仁傑刻行之日乃在羅田也。

〔補〕○宋慶元六年羅田縣庠刊本，十二行二十一字，白口，左右雙闌，版心上記字數，下記刊工人名。有吳氏自序及慶元庚申方燦跋，稱刊于縣庠，後有羅田縣學校正銜名三行。海源閣藏。○明藍格寫本，十行十八字，盧址抱經樓遺書。○影寫宋刊本，十二行二十二字。有慶元丁巳自序、方燦跋及校對人銜名三行。鈐汲古閣印。清

方甘白氏傳錄知不足齋本，有識語，言乾隆丙申借吳郡朱氏宋本錄，再假錢塘汪氏鈔本覆勘，宋本多誤，鈔本多所是正云云。○舊寫本，九行二十一字。鈐劉端臨藏印。李木齋先生藏。○同治間真州張氏刊榕園叢書本。○清光緒元年湖北崇文書局刊崇文書局彙刻書本。

〔補〕離騷草木疏辯證四卷 清祝德麟撰。○稿本，十一行二十字，無闌格，版心下有“悅親樓”三字。余藏。

〔補〕楚辭集解十六卷蒙引二卷考異一卷 明汪瑗撰補註二卷 明汪仲弘撰。○明萬曆四十三年刊本，十行二十字，白口，左右雙闌。題焦竑訂正。有萬曆四十三年焦氏序。補註有萬曆四十六年汪仲弘自序，當是後刊加入者。四庫存目，惟集解作八卷。

〔補〕楚辭疏十九卷讀楚辭語一卷楚辭雜論一卷 明陸時雍撰。○明末緝柳齋刊本，九行二十字，白口，四周單闌。○康熙四十四年有文堂刊本。六冊。余藏。

〔補〕離騷草木史十卷拾細一卷 明周拱辰撰。○清嘉慶八年周氏聖雨齋重刊本。○清道光二十七年刊周孟侯先生全書本。

〔補〕楚辭述註五卷 明來欽之撰九歌圖一卷 明陳洪綬繪。○明崇禎刊本，九行二十字。即書眉所記之陳章侯繪圖本。

欽定補繪離騷全圖二卷 國朝蕭雲從原圖六十四竝註，乾隆四十七年特命內廷諸臣補繪，共增九十一圖。○刻本極精。○乾隆四十七年蕭雲從奉敕補繪離騷圖三卷，每半頁九行，二十四字。離騷三十二圖，九章九圖，遠遊五圖，九辯九圖，招魂十三圖，大招七圖，香艸十六圖。鐵樵記。

〔補〕○四庫本已收入影印四庫全書四種中。按：蕭雲從順治時人，何得于乾隆四十七年奉勅補圖，汪氏屬筆偶誤，應正。

〔補〕楚辭通釋十四卷 清王夫之撰○清康熙四十八年刊本，八行二

十字。余藏。○清同治四年刊船山遺書本。

〔補〕**山響齋別集十卷** 一名飲騷。清賀寬撰。○清康熙間刊本，十行二十三字，白口，四周單闌，版心上方有“飲騷”二字。前王弘撰序，次自序。每文分章節，首正文，次音釋，次箋，次評。文友堂送閱。

山帶閣註楚詞六卷楚詞餘論二卷楚詞說韻一卷 國朝蔣驥撰。
○康熙癸巳刻。

〔補〕○清雍正五年蔣氏刊本。

〔補〕**楚辭新集註八卷** 清屈復撰**楚懷襄二王在位事蹟考一卷** 清林雲銘撰。○清乾隆三年弱水草堂刊本。○清寫本，鈐“陸巡之印”、“阮元芑印”二印。余藏。

〔補〕**屈原賦注七卷通釋二卷** 清戴震撰**附音義三卷** 清汪梧鳳撰。○清乾隆二十五年庚辰刊本。○清光緒十七年刊廣雅書局叢書本，收入集部。○民國十二年沔陽盧氏印湖北先正遺書本，從舊寫本出。

上楚詞類

集部二上

別集類一上 漢至盛唐

〔補〕**賈長沙集十卷** 漢賈誼撰。○明成化十九年喬縉刊本，九行十八字，黑口，四周雙闌。分上下冊，卷一至八、九至十各為通葉碼。後附喬縉撰傳，半葉十行，行二十四字。有汪啟淑、袁芳瑛藏印，友人徐君乃昌藏。此書頗罕見。

〔補〕賈長沙集一卷 漢賈誼撰。○明張溥編刊漢魏六朝百三家集本，九行十八字，白口，左右雙闌。

〔補〕董仲舒集一卷 漢董仲舒撰。○明正德五年桂連西齋活字印本，十二行二十四字。目後有“正德庚午桂連西齋印行”一行。有季振宜、揆叙藏印。故宮藏。○明正德十年盧雍景州刊本，九行十八字，白口，左右雙闌。前李東陽撰董子書院記，言正德乙亥雍按部至此，修祠宇書院，復刊此集。天一閣佚出之書，歸北京圖書館。○明萬曆間汪士賢輯刊漢魏六朝二十一名家集本，九行二十字，白口，四周單闌。從正德盧雍本出。○明刊漢魏六朝諸家文集二十二種本，行款同上，左右雙闌。余藏。余用景祐本漢書、宋刊古文苑校過。

〔補〕董子文集一卷 漢董仲舒撰。○清光緒五年定州王氏謙德堂刊畿輔叢書本。四庫存目。

〔補〕司馬長卿集一卷 漢司馬相如撰。○明汪士賢刊漢魏六朝二十一名家集本，九行二十字，白口，四周單闌。相如集不傳，此為自史、漢諸書中輯出者。○明刊漢魏六朝諸家文集二十二種本，九行二十字，白口，左右雙闌。余據北宋本史記集解、宋本古文苑、宋本樂府詩集校。

〔補〕東方先生集一卷 漢東方朔撰。○明汪士賢刊漢魏六朝二十一名家集本，行款見前。○明刊漢魏六朝諸家文集二十二種本。行款見前。余據北宋本史記集解、宋明州本文選、宋本楚辭合校。

〔補〕東方大中集一卷 漢東方朔撰。○明張溥輯刻漢魏六朝百三家集本，九行十八字，白口，左右雙闌。

揚子雲集六卷 漢揚雄撰，明鄭璞補輯。○刻本。○明漳浦張燮輯刻本楊侍郎集五卷。○汪士賢本三卷，張溥本一卷，均不全。

〔補〕揚子雲集六卷 漢揚雄撰，明鄭樸輯。○明萬曆刊本，九行十八字，白口，四周雙闌。卷一法言，卷二太玄，卷三方言，卷四書文解，

卷五賦騷頌，卷六箴、誄、連珠、紀、記、檠頌。末附焦竑撰揚雄始末辯、漢書本傳。余藏。

〔補〕揚侍郎集五集 漢揚雄撰附錄一卷 ○明天啟、崇禎間刊張燮七十二家集本，九行十八字，白口，左右雙闌。余藏。

〔補〕揚子雲集三卷 漢揚雄撰。○明萬曆天啟間汪士賢輯刻漢魏六朝二十一名家集本，九行二十字，白口，四周單闌。○明刊漢魏六朝諸家文集二十二種本。行款同上，四周雙闌。

〔補〕揚侍郎集一卷 漢揚雄撰。○明末張溥編刊漢魏六朝百三家集本，九行十八字，白口，左右雙闌。

〔補〕班蘭臺集四卷 漢班固撰附錄一卷 ○明天啟、崇禎間張燮編刊七十二家集本，九行十八字，白口，左右雙闌。

〔補〕班蘭臺集一卷 ○明末張溥編刊漢魏六朝百三家集本。行款見前。

〔補〕張河間集六卷 漢張衡撰附錄一卷 ○明天啟、崇禎間張燮編刊七十二家集本，行款見前。○明寫本，為張氏輯本之舊矢。

〔補〕張河間集二卷 漢張衡撰。○明末張溥編刊漢魏六朝百三家集本。行款見前。

〔補〕鄭司農集一卷 漢鄭玄撰。○清乾隆二十一年盧見曾輯刻雅雨堂藏書十三種本，十行二十一字，白口，四周單闌。

蔡中郎集六卷 漢蔡邕撰。○明正德乙亥錫山華氏活字本，十卷，每頁十四行，行二十三字。○順治甲午劉嗣美刻。○明陳留令徐子器編輯本，六卷，以萬曆王乾章刻本校。○張溥本只二卷。○汪士賢刻本，八卷。○明蘭雪堂活字本十卷，外傳一。○明萬曆王乾章刻本，十卷，每頁十八行，行二十一字。○萬曆又刻十卷本，不及華、王二印。○雍正中刻本。○咸豐中漕督楊以增刻顧廣圻校輯本，原編十卷，外紀一卷，增補遺四卷，附錄一卷，最精備。○明嘉靖戊申本

顧潤蒼跋，謂天聖癸亥歐靜本十卷，六十四篇，今為六卷，九十二篇，全屬嘉靖時余憲、喬世寧所改。盧抱經鍾山札記云，歐本首篇是橋太尉，此十卷本猶勝六卷者。

〔補〕**蔡中郎文集十卷外傳一卷** 漢蔡邕撰。○明正德十年華堅蘭雪堂銅活字印本，七行十三字，小字雙行同，白口，左右雙闌，版心上有“蘭雪堂”三字。目後有“正德乙亥春三月錫山蘭雪堂華堅允剛活字銅版印行”牌記二行。卷五後有“錫山”、“蘭雪堂華堅活字版印行”牌記。外傳後有“錫山蘭雪堂華堅允剛活字銅版印”牌記二行。有鄭杰藏印，余藏。又一帙，有毛晉藏印。光緒八年盛昱用聊城楊氏彙校本校。○明翻刻蘭雪堂本，行款全同，唯改為四周單闌，版心上方無“蘭雪堂”三字。此本已印入四部叢刊初編，誤認為即華氏活字印本。○清寫本，從蘭雪堂本出。黃丕烈校，顧廣圻跋。涵芬樓藏。○明萬曆二年徐子器刊本，九行二十一字，白口，四周雙闌。有萬曆元年王乾章序及萬曆二年知陳留縣事徐子器跋，不言所自出，然次第篇數與蘭雪堂本同，必出自舊本，至楊賢、茅一相諸本出，則改易舊卷次矣。○明萬曆三十九年馬維驥刊本，九行十八字，白口，四周單闌。李木齋先生有一帙。○清順治間陳留劉嗣美刊本，九行二十字，白口，四周單闌。為李木齋先生收去。○清光緒七年陸心源刊十萬卷樓叢書本，從蘭雪堂本出。

〔補〕**新刊蔡中郎伯喈文集十卷外傳十卷** 漢蔡邕撰。○明鄭氏刊本，從蘭雪堂本出，然改行款為九行二十字，黑口，四周雙闌。目錄尾有牌記二行，文曰：“此書係正德乙亥春三月錫山蘭雪堂華堅允剛活字銅版部行，今鄭氏得之，繡梓重刊行”。此書尚有獨斷二卷，詩集二卷，此本失之。有“嘉靖甲申孟冬月宗文堂鄭氏新刊”牌記二行。

〔補〕**蔡中郎集十卷外紀一卷外集四卷** 漢蔡邕撰末一卷 ○清咸

豐二年楊氏海源閣刊本。余藏。九行十八字，版心下有“海源閣”三字。

〔補〕**蔡中郎集十卷外集四卷** 漢蔡邕撰末一卷 ○舊寫本，九行十八字。友人人賈君恩紱臨顧廣圻校本。

〔補〕**蔡中郎文集十一卷** 漢蔡邕撰。○明萬曆八年茅一相刊本，九行十九字，白口，四周單闌。題茅一相記。前萬曆元年王乾章序。分獨斷為二卷。

〔補〕**漢蔡中郎集六卷** 漢蔡邕撰。○明嘉靖二十七年楊賢刊本，九行二十一字，白口，四周單闌。有嘉靖二十七年喬世寧、俞憲序。本書卷首題喬世寧、俞憲校訂，楊賢梓行。此本以獨斷居首，凡九十二篇，自謂卷數省舊之半，篇數益舊之三，則已失舊本面目矣。

〔補〕**蔡中郎集六卷補遺一卷** 漢蔡邕撰。清劉嗣奇校。○清康熙三十四年劉氏耆英堂刊本。

〔補〕**蔡中郎集八卷** 漢蔡邕撰。○明刊漢魏六朝諸家文集二十二種本，九行二十字，白口，左右雙闌。余據舊寫本校。○舊寫本，十行二十字，無格，從宋本出。涵芬樓藏。

〔補〕**蔡中郎集十九卷** 漢蔡邕撰，清嚴可均校輯。○舊寫本，十二行二十四字，無闌格。卷首題“烏程嚴可均景文校輯”。此本自全上古三代文輯出，又增入獨斷二卷，琴操二卷，月令章句三卷，編為十八卷，卷十九為總目。總收文一百四十八篇。前有道光二十二年嚴氏叙，論蔡集佚存源流甚詳，可資考訂。吳重憲遺書，吳氏欲刻未果，卷中尚夾有傳刊寫樣。余藏。

〔補〕**蔡中郎集二卷** 漢蔡邕撰。○明末張溥編刊漢魏六朝百三家集本，九行十八字，白口，左右雙闌。收文一百二十四篇，多於舊本。然失落楊賜第一碑，誤收班固東巡頌、南巡頌及嵇康琴讚。

孔北海集一卷 漢孔融撰。○刻本，後附雜考一卷。○張溥百三名

家本。○乾坤正氣集本。

〔補〕孔少府集一卷 漢孔融撰。○明末張溥編刊漢魏六朝百三家集本。行款見前條。

〔補〕孔少府集二卷 漢孔融撰附錄一卷 ○明天啟、崇禎間刊張燮七十二家集本，九行十八字，白口，左右雙闌。

〔補〕孔文舉集一卷 漢孔融撰。○清光緒十六年長沙楊氏坦園刊建安七子集本。

曹子建集十卷 魏曹植撰。○宋本大字，旁有陳思王三字。○明嘉靖中郭萬里仿宋刻本，有徐伯蚪序，每頁十八行，行二十一字。○明活字本十卷。○別本四卷，詩賦，無雜文。○汪士賢刻亦十卷。○百三名家本，二卷。○此書以無七步詩者為善。○天祿琳瑯書自十載曹子建集十卷，目錄後有元豐五年萬玉堂刻木記，前後無序跋。其書樞印甚精，印紙有金粟山房記，古色可愛，惟目錄末頁卷首一葉紙色不同，字體亦異。當是先有宋本，闕此二葉，因為翻刻，並以原書所闕重寫補刻，或舊有序跋俱經私汰，亦未可知，故編入明本。

〔附〕曾收一部，實十七字。（眉）整理者按：此條指莫氏誤記郭氏本為九行二十一字。○明長洲徐氏活字本十卷，半葉七行，行十八字。又活字本，九行十七字。○李廷相十卷本。○萬曆戊寅蓮溪周氏重刊郭本。○李楨十卷本。○閔齊賢評點本。○張炎小字七卷本。○張燮陳思王集二卷本。○楊承鯤建安七子本。○楊朝輔建安七子本。（邵氏）

〔補〕○明長洲徐氏銅活字印本，九行十七字，細黑口，左右雙闌。即所謂無七步詩本也。此書失序跋，據明正德五年舒貞刊陳思王集序，知為徐氏所印，則當為正德以前擺印也。余藏，已印入四部叢刊初編中。○明萬曆三十一年鄭士豪刊本，九行十八字，白口，四周雙闌。前李夢陽序，目後附音義。字疏朗可喜。文友堂見。○明萬

曆、天啟間汪士賢輯刻漢魏六朝二十一名家集本，九行二十字，白口，四周單闌。○明刊漢魏六朝諸家文集二十二種本，九行二十字，白口，左右雙闌。余據海虞瞿氏藏元刊本及明長洲徐氏活字印本校過。○明崇禎十一年陳朝輔刊彙刻建安七子集本，九行二十字，白口，左右雙闌。

〔補〕曹子建文集十卷 魏曹植撰。○宋元間刊本，八行十五字，白口，左右雙闌。版心上記字數，下記刊工人名。鈐華亭朱氏印及毘陵周氏印。海虞瞿氏藏，已印入續古逸叢書中，余曾取校漢魏六朝諸家文集二十二種本，誤字頗多，轉不如明活字本。此書前人定為宋本，以雕工字體審之，與宋元之際閩本四書集註頗多似處，經修版後印。第一冊修版較多餘多爛版，摹印恐在元末明初矣。

〔補〕曹子建集十卷 魏曹植撰疑字音釋一卷 ○明嘉靖二十一年壬寅郭雲鵬刊本，九行十七字，白口，左右雙闌。前徐伯虬序。袁克文據元刊本校。此書即莫氏所記之郭萬里本，行款誤記為九行二十一字。○明萬曆六年蓮溪周氏覆刻郭雲鵬本，行款版式全同。

〔補〕陳思王集十卷 魏曹植撰。○明正德五年舒貞刊本，九行二十字，白口，左右雙闌。題李廷相編，田瀾校正，郭濂、蔡芝、陸溥同校。前有正德五年田瀾序，云以李廷相藏本校徐氏本，並改易卷次。並增七步詩及述行賦。余藏。○明嘉靖二十年胡繼宗刊本，九行二十字，白口，四周單闌。余藏。○明萬曆二十年李慎刊本，九行二十字，白口，四周單闌。

〔補〕重纂陳思王集十卷 魏曹植撰附錄一卷 ○明天啟二年刊張燮七十二家集本，九行十八字，白口，左右雙闌。

〔補〕陳思王集四卷 魏曹植撰。○明嘉靖刊六朝詩集本，十行十八字，白口，左右雙闌。余藏。有詩無文。

〔補〕陳思王集二卷 魏曹植撰。○明末張溥編刊漢魏六朝百三家集

本，九行十八字，白口，左右雙闌。

〔補〕曹子建集二卷 魏曹植撰總評一卷 ○清康熙間張潮、卓爾堪等輯刻三家詩本，十一行二十一字，細黑口，左右雙闌。寫刻本，雕鏤精雅。

〔補〕曹集考異十二卷 魏曹植撰，清朱緒曾考異。○民國三至五年上元蔣氏印金陵叢書本，收入丙集。

〔補〕曹集詮評十卷年譜一卷逸文一卷 清丁晏撰輯。○清同治十一年金陵書局刊本。

嵇中散集十卷 魏嵇康撰。○明嘉靖乙酉黃省曾仿宋本，每頁一十二行，行二十字，板心有“南星精舍”四字。○程榮校刻本。○汪士賢本百三名家本，一卷。○乾坤正氣本。○靜持室有顧沅以吳匏菴鈔本校于汪本上。

〔補〕○明嘉靖四年黃省曾南星精舍刊本，十一行二十字，白口，左右雙闌，版心有南星精舍四字。余藏，已印入四部叢刊初編。○明程榮刊本，九行二十字，白口，左右雙闌。余藏。余據南星精舍本校。○明刊漢魏六朝諸家文集二十二種本，九行二十字，白口，左右雙闌。余藏。余據明吳寬叢書堂寫本校。○明吳寬叢書堂寫本，墨格，十行二十字。吳寬手校。有黃丕烈三跋及張燕昌跋。○明寫本，墨格，八行二十二字。有崇禎己巳□夏校跋，乃近人偽為之。○舊寫本，十行二十字，行款與叢書堂本同，疑自彼本出。有朱彝尊、揆叙、劉喜海藏印。

〔補〕嵇中散集一卷 魏嵇康撰。○明嘉靖間刊六朝詩集本，十行十八字，白口，左右雙闌。○明末張溥刊漢魏六朝百三家集本，九行十八字，白口，左右雙闌。

〔補〕嵇中散集六卷 魏嵇康撰附錄一卷 ○明天啟、崇禎間張燮輯刻七十二家集本，九行十八字，白口，左右雙闌。余藏。

〔補〕**阮嗣宗集二卷** 魏阮籍撰。○明嘉靖二十二年范欽刊本，九行二十字，白口，四周單闌。卷首題“鄞范欽、吉陳德文校刊”。前有陳德文序，言范欽刊之宜春云云。余藏。○明萬曆間程榮刊本，九行二十字，白口，左右雙闌。從范欽宜春刊本出。○明萬曆間汪士賢刊漢魏六朝二十一名家集本，九行二十字，白口，四周單闌。○明刊漢魏六朝諸家文集二十二種本，九行二十字，白口，左右雙闌。○明崇禎潘璫刊阮陶合刻本。行款同上。

〔補〕**阮嗣宗集四卷** 魏阮籍撰，明阮漢聞校。○明天啟三年尉氏令及朴刊本，十行二十字，白口，四周雙闌。前天啟四年靳于中、及朴序。詩文篇數與范欽本同，字句時有異處。余藏。

〔補〕**增定阮步兵集五卷** 魏阮籍撰**附錄一卷** ○明天啟、崇禎間張燮七十二家集本，九行十八字，白口，左右雙闌。余藏。

〔補〕**傅鶡觚集六卷** 晉傅玄撰**附錄一卷** ○明天啟元年刊張燮七十二家集本，九行十八字，白口，左右雙闌。有天啟辛酉序。余藏。

〔補〕**傅鶡觚集一卷** 晉傅玄撰。○明末張溥編刊漢魏六朝百三集本，九行十八字，白口，左右雙闌。

〔補〕**傅鶡觚集五卷** 晉傅玄撰**傅子校勘記一卷** 清方濬師輯。○清光緒二年方氏退一步齋廣州刊本。二冊。余藏。

〔補〕**晉司隸校尉傅玄集三卷** 晉傅玄撰，今人葉德輝輯。○清光緒二十八年刊觀古堂所著書本。一冊。

〔補〕**潘黃門集六卷** 晉潘岳撰**附錄一卷** ○明天啟、崇禎間張燮輯刻七十二家集本，九行十八字，白口，左右雙闌。

〔補〕**潘黃門集六卷** 晉潘岳撰。○明萬曆、天啟間汪士賢輯刻漢魏六朝二十一名家集本，九行二十字，白口，四周單闌。○明刊漢魏六朝諸家文集二十二種本，九行二十字，白口，左右雙闌。余藏。余據宋本文選、太平御覽及校本藝文類聚校。